

慶應十家絶句

上

部	書	詩	第
近藤氏藏書	第一冊	全二冊内	八一二號

柳田文庫  
 文庫11  
 A1175  
 1





文庫11  
A1175  
1

枕山 湖山 牧山

蘆洲 金洞

# 慶應十家絕句

毅堂 松塘 昆溪

雪江 錦河

東都 書林 萬青堂梓

和四...

序

詩賦昇平之具也我朝注古  
風雅可觀尚矣弘仁天曆之際  
管籥諸公輩出詩賦共著傳于  
世斯文之盛可謂極矣而後數  
百載詩賦漸寡落者何也蓋非  
寸之罪王化陵夷亦不暇及耳

慶應十家絕句序



保平以降威權歸平氏縉紳之  
徒棲遲匿身豈亦有詩賦乎自  
源氏開霜府於東州武弁之後  
恣威而遂迨南北擾亂亦百數  
十載不做詩賦勿論而已間或  
志詩賦者高蹈遠引姓名湮沒  
而不傳矧乎元龜天正間羣雄

割據日尋干戈詩賦文章委此  
於縉徒斯文之衰於星乎極矣  
逮有神祖勳興鋤暴戡亂偃武  
脩文首興隆儒學邦國建拔聘  
師於是乎奎運開而詩賦再盛  
于世尔來昇平殆三百載斯文  
之盛視之於往古亦可以無恥



矣嗚呼不盛乎哉頃者內田栗齋刊現存作者小詩命曰慶應十家是亦昇平之具也請序於予之竊書所感五以蒙之首簡云慶應丙寅秋九月初吉昆溪長谷川域撰



觀堂照達書



慶應十家絕句卷上

武州縣內田橋公均編選

枕山大沼先生

名厚字子壽一號熙堂江戶人文政戊寅生著有房山集一卷絕句鈔一卷詠物詩二卷詩鈔六卷文集三卷

讀典謨

能讓恭由至性若時若采問諸臣放勳德冠百王處三考無成方黜人

登極便求遐邇通四門穆穆闢春風咨俞他日舉賢計

枕山

慶應十家絕句卷上





先決月正文廟中。  
閱到苗民感格初。兩階干羽舞徐徐。想瞻文德宏敷象。  
寒谷春回草木舒。

讀史雜詠七首 節四

忠諫不行忠死耳。傳兒賴有寸心丹。賜刀并付冰三尺。  
身後令他賊膽寒。  
誰言人欲誤平生。紅粉不妨青史名。謝却官娥嫌假契。  
絕無情處是多情。  
驚見王旗賊裏懸。搏人奪取錦連翩。欲知之子功勞重。  
日月雙輪擔在肩。

能耐禁垣妖祲侵。披緇去入白雲深。秋來夜夜空山月。  
照見為僧未了心。

詠近世節女

抵死將酬主女恩。誰憐賤婢耐勞動。手中隻履如椎鐵。  
加向仇頭重十斤。

與郎生別斷情緣。養女幽棲節益堅。茶榻自今春寂寞。  
落花風冷一絲烟。

蘇武牧羝圖

孤臣邊塞牧羝初。猶幸匈奴設計疎。一意主羊忘却雁。  
不防渠遞上林書。



孔明出師圖

老龍起卧略相同。二表猶於梁父工。羽扇綸巾存隱趣。軍中到處是隆中。

小杜停車圖

石逕停車夕照中。唐朝情事屬斯公。湖州曾恨尋芳晚。却向山家愛老紅。

讀孟嘗君傳

驅逐虎狼能奮威。散賤結客未為非。誰言任俠異仁義。求任俠人今亦稀。

美人折牡丹圖

名苑留春簇絳霞。麗姬和醉出香車。驕心不省十家賦。惡戲折殘深色花。

題畫四君子圖

莫言調鼎是心期。寄跡遐鄉雲水涯。也勝君王教繪像。酒樓禪壁寫幽姿。

兩洗風吹香色添。為竿為箭兩相嫌。祇應截作翠雲管。插向昭華雙玉纖。

楚臣燕姑幾題評。歷歷陳言聽不清。新樣詞人吾目汝。江南蕭瑟庾蘭成。

深心種菊有淵明。又看宗儀繼後塵。隱者後先其揆一。



黃花只屬姓陶人

常盤雪行圖

雪沒弓鞋不可行。呱呱含凍欲無聲。莫嗤一笠危將破。中匿亡讐數萬兵。

利休像

烏帽籠頭貌灑然。茶神以後有茶禪。一甌能取千金價。應笑陸家三十錢。

芭蕉像

非道非僧闢一門。朝花呀月養心源。書生湯詫二千字。輸與斯翁十七言。

題紙扇奉寄中將伊賀侯

晃白箋描盛小叢。珍藏篋笥寵何窮。年年長夏華堂上。快受佳涼少女風。

老狸拜月圖

皂衣郎老已非癡。被辱張雷彼一時。拜得素娥欺阿紫。千年華表月如眉。

碧桃黃鳥圖誠園棚倉侯席上分韻

一樹仙桃吐素芳。闌間聲處日舒長。愛他黃鳥如青鳥。花際千春樂未央。

初夏晚窗席上奉次純齋龍野侯韻



晚酌殊知酒味甜。微涼宜面卷疎簾。碧梧枝上黃昏月。別院歌傳阿鵲鹽。

春夜過東台。天月玲瓏山花盛開。實有超世之想。浩然成詠。

參差樓閣鎖香雲。花外鐘聲夜欲分。明月在天春寂寂。居然人向上晨君。

梅兒塚

墨田堤上落花塵。木母寺中香火人。只為王孫留古墓。一株垂柳亦宜春。

伊企灘罵新羅王圖

日本之刀氣共剛。為擒不屈罵夷王。偷生瓊玉穢於土。何似死臣馨肉香。

海旭松鶴圖

一輪紅日萬株松。鶴頂如霞海氣濃。昨夢分明蓬嶠夢。長人磊落駕蒼龍。

除夕同長昆溪飲松源樓

湖樓餞歲醉紅裙。更闌樽前現在身。忘却窮愁閒玩水。翻同報國看松人。



Blank manuscript page with faint bleed-through text from the reverse side.

孫晏齋小野先生

名長愿字侗翁初名卷字舒公號湖山橫山氏江  
州人吉田藩文化甲戌生著有湖山樓詩鈔二卷  
和漢同百律火後憶得詩一卷北遊詩一卷代奕漫吟  
一卷

窟前奏樂圖

律呂相和鼓吹聲。嗟々神女舞衣輕。當時非有謀臣在  
安得千秋仰大明。謀臣指思兼命

斬蛇圖

毒蛇雖毒所求癡。早被真人聖得知。若就敵情論敵勢

湖山

慶曆十家新白卷上



妹顏芳釀亦吾師

夏日山行口占

晴天俄變晝冥濛。雲壓前溪雨帶風。忽爾天晴雨無跡。初知數里步雲中。

膳臣刺虎圖

不知中夜失其兒。君子周身防或非。手刃於菟復仇去。殊邦幸不墜皇威。

八幡公過勿米關圖

誰言百戰不酬功。萬里東邊指掌中。身帶恩光出關去。征衣春暖落花風。

白樹題詩圖

年僅十三筋力柔。妙機深算與神侔。誰圖玉葉金門子。獨向天涯及父讐。

白樹題詩圖

慨然白樹寫微誠。鬱勃胸中十萬兵。不比文人詫虛美。真成五字是長城。

已未孟夏將北游酒間賦二絕示送行諸子

孩嬰無智喻來難。問我游山幾宿還。災後新居黔突未。又將行李試間關。

宿桐生石原氏時庭前芍藥盛開



慶應十家集卷一  
寒暑中分恰適身。鶯聲雖老聽還新。一叢紅藥多情甚。  
展得春光到二旬。

題源語初音卷畫冊為宮田泰伯囑

淺笑低顰兩有情。紅樓相對詠初鶯。當時閨閣風流甚。  
不數蘭英與蕙英。

伊香保温泉雜詩書示木暮雅契原澤國手博

祭

樓臺高架白雲邊。不是村樵不是仙。又見化工多妙用。  
百家生計一條泉。

自出都門一月過。淹留何處不行窩。睡餘芳茗浴餘酒。

只覺嗟情到此多。

地涌溫泉已屬奇。奇中奇似此山稀。請看藥氣薰蒸際。  
無數游魚發刺飛。

醉夢醒來興頗豪。絕高地却忘其高。卧看細霧階前起。  
俯聽幽禽樹上號。

詩畫琴尊情已倦。去觀隣舍客爭棋。身閒一日如兩日。  
初信前人不我欺。

賜浴溫泉楊太真。華清恩幸古無倫。山中婦女何天福。  
坐占唐宮第一春。

詩句知吾硬語多。艷音敢和竹枝歌。當筵漫應佳人索。



笑說竒書似老坡  
籬邊紅綻一枝榴  
細雨黃昏淒似秋  
戶戶浴場人客少  
三絃聲濕酒家樓

六月朔過溢嶺八首 節二

回首頽雲倚嶮巖  
一枝健竹力相支  
窮途豪語人應笑  
獨立乾坤亦一竒  
崎嶇何得通輿馬  
微逕秋毫斷幾回  
賴有牝牛馴且穩  
不勞鞭策馭人來

觀小柳春隄所藏池大雅畫小杜詩意圖題其  
後

唐代風流數牧之  
誰知妙畫了幽思  
寒山唯寫停車處  
不寫觥船一棹時

散步海濱慨然成咏

優遊擬忘人間事  
未免仰天時  
慨然目斷佐州青  
一點鄂羅鞋曷阿那邊

會津途上

日暮空山步不前  
遊囊何得杖頭慳  
馬奴給取一杯酒  
老僕休來數里肩  
七月殘炎威尚揚  
不堪山徑涉羊腸  
天公於我意相厚  
寵賜輕陰一日涼



懷大沼枕山

玩世那嫌憂世人。醉吟曾共幾回春。滿腔慷慨意無用。明哲輸君能保身。

幽居雜吟 原六

陶杜詩篇韓李集。各家箋釋亦何心。眼前不見滄桑事。爭解前賢用意深。

四顧蕭然一室虛。匹如老衲夜禪初。屏居却訝燈花好。片帟難通故國書。

冰心一片玉壺明。寧問功名成不成。學取石湖范夫子。敢將哀些變和平。

辛酉元旦

新逢寶曆屬辛酉。頓覺人間氛霧消。仰想三千年上事。神皇即位是今朝。

正月十一日口占

出門一笑占芳辰。柳色梅香別樣新。休恠相逢名姓變。如今我是再生人。



Blank page with vertical lines for text.

和牧山佐藤先生注春風吹水日朝朝

名楚材字晋用一號聖齋尾州人仕本藩亨和辛

酉生著有詩鈔二卷

江戸新年詞五首第三

太平有象象如何開歲笑聽萬歲歌多少伶人唱春出

大家豐沛舊三河

虎踞龍蟠第一州海霞嶽雲縷城樓舳舻日射金門曉

三百諸侯簇玉駟

輿馬拜年忙似馳綠沈槍影幾枝枝紙鷄且避門前路

休展春風曳曳絲

牧山



讀弘安紀同大沼子壽賦

弄筆書生多老饕。謾將莽操罵英豪。君看不有鎌倉氏。  
一怒誰揮日本刀。

快事大鑿蒙古兵。夜看前史眼偏明。有時捲地陰風號。  
猶訝波濤洶湧聲。

西行法師圖

弓刀本是壓時豪。一片閒雲跡忽高。末路如何作馮婦。  
秋宵入幕說龍韜。

送田大夫

昨載拜官今載歸。春風淡淡日暉暉。都門二月桃花色。

執與朱公馬上衣。

此詩春晚步到近村

十日高扉養宿痾。過橋偶到野人家。東風一卷斜陽白。  
落盡村園枳殼花。

梅天

江南五月雨頻來。地上金丸標有梅。應有佳人思吉士。  
蛾眉翠蹙不曾開。

寒江獨釣圖席上分韻分孤舟蓑笠翁二句為  
韻得孤字

一領青蓑傍碧湖。霏霏晚雪壓枯蘆。嚴光入洛呂公去。



不恠寒波釣影孤

蝦夷刀勝川圖為松浦子重囑

一川刀勝水逶迤繞岸垂楊十萬枝誰識冰溟接疆域  
春風吹度北蝦夷

山寺偶成

負郭秋風落木餘一頭初白臥僧廬客來休說功名事  
高閣陰符落蠹魚

午熱

頭上火輪推不四大為午熱毒人來恠他敲子花何力  
抵得炎威個個開

十家雜詠十首 節四

田翁於世絕恩讎一劍傳家擬換牛醉眠安穩梅花月  
不把寒鉞當枕頭

滿池荷葉碧田田搖得跳珠顆顆圓漢帝金莖雲外直  
欲將他露作神仙

七月湛湛露氣濃滿庭如織草茸茸未須艾作孫康被  
錦綉花開一萬重

折腰北阮借金來隨手紛紛散似灰博得鑿人相餽歲  
屠蘇一貼佐春杯

列子御風圖



久米仙人凌絳霞。一朝墜地混塵沙。幸然列子御風日。  
不值紅粧出浣紗。

東台嬉春詞

山王祠畔日將斜。數杵鐘聲近隔花。羅綺人如寒食燭。  
晚來散入五侯家。

早朝圖

御柳烟迷紫禁春。幾行劍履趁清晨。佩環風遞花間響。  
中有能詩賈舍人。

十家村祭十叢詞。個個春灯個個旗。盡道神靈解禳火。

慈雲大士是宗師。

漫成示驚津重光

護落一身何所依。人間無處不危機。傳經畢竟非吾分。  
誤著儒生縫掖衣。

海樓望月與諸子同賦

十二湘簾夜上鉤。寒光閃閃射吟眸。誰知積水連天外。  
靺鞨琉球一樣秋。

巢鴨觀菊次鈴大夫韻

誰道菊花清且幽。幾欄論價入牙籌。鏤金擣錦眩人眼。  
幻出東籬意外秋。



秋夜雜賦

滿天風露下。霏霏灑出清暉。欲濕衣。誰向廣寒摸一紙。  
桂花今夜影依稀。  
霜華一片著人頭。湖海笙歌夢已休。蟋蟀在堂今夜雨。  
聲聲喚出古時秋。

信陽道中

北陸東山從此分。臨歧一誤異泥雲。人間別有<sub>二</sub>羊<sub>一</sub>恨。  
千萬須勤讀典墳。  
燈前宿客獨醒吟。痴僕歡娛醉已深。隨分村娼著紅粉。  
強將嬌笑博黃金。

經駒籠舊居

社鼓喧闐滿市春。行思往事踏紅塵。風前燕燕能知否。  
身是當年舊玉人。

次某悼亡韻

君年十五始相逢。露浥海棠春正濃。一去香魂何處所。  
為雲為雨杳無蹤。



蘆洲植村先生詩集卷之二  
名正義字子順一號蒼齋江戶人天保庚寅生著  
有詩鈔三卷  
春日書感  
眼底風華逐日新。十年依舊苦吟身。等閒過了池塘草。  
不見西堂夢裏春。  
題紅拂妓  
紅拂一揮塵絕世。偏傾銀海注清葩。夢為紫蝶情尤艷。  
飛出楊花入杏花。

蘆洲植村先生詩集卷之二

名正義字子順一號蒼齋江戶人天保庚寅生著  
有詩鈔三卷

春日書感

眼底風華逐日新。十年依舊苦吟身。等閒過了池塘草。  
不見西堂夢裏春。

題紅拂妓

紅拂一揮塵絕世。偏傾銀海注清葩。夢為紫蝶情尤艷。  
飛出楊花入杏花。

讀四公子傳

蘆洲



鷄脫函關狗盜裘。虎狼欺得實多謀。如何難逐中原寇。  
為吝厨魚一膳羞。

從諫如流豈可猜。善柔成事任人裁。若令賤妾能長舌。  
斃者頭為飲器來。

鵲鴿情迫且忘忠。涕泣猶憐嘆惜翁。一片仁心能下士。  
惜君名與孟嘗同。

除箇未英諫者誰。義難可斷利能移。棘門春盡暮風冷。  
恨屬李園花一枝。

東台看花雜詩

偶隨慈雨到山房。微笑花唇吐妙香。想見瞿曇將現世。

糝糊猶葆縹身光。

趁取春朝弄靜芳。滿山微雨澹吹香。寺僮未捲樹間席。  
濕竈猶供鶯粟湯。

結柵誰成修殿謀。花濃日永小原頭。愛渠能補春山景。  
代木丁丁寺更幽。

送客鐘聲出梵宮。綠陰吹冷暮山風。鴉兒亦是無情物。  
蹴落殘花抱樹紅。

墨水看花雜詩

隄上林如屋上巒。感頭舟裏仰花難。詩人且學嬌娥態。  
斜倚舷邊側髮看。



野客游春要靜嘉。水神祠畔避紛華。却憐紈袴饒幽韻。  
日暮吹笙坐落花。

三游春賞未曾終。一曙濃陰兩畫風。今暮醉花方滿願。  
嬌波妍月畫橋東。

長晝次韻

三顧無人寂草廬。閒觀蟻鬪對兵書。松花撲撲如風雪。  
想到南陽高士居。

松溪洗硯

臨溪淨硯似臨池。水黑仍思草聖芝。忽訝驚龍浮眼底。  
蒼松倒影不曾知。

墨瀋消除硯發輝。寒流石上古松圍。翠濤俄起吹黃雪。  
濃襯紅絲濕不飛。

梅雨後游水東即興

綠徑穿村綫樣通。路塵驚起馬蹄風。紅粧一隊避無地。  
闌入農家蔬圃中。

偶得雲如山人絕筆詩乃同枕山夫子昆溪雪

江柳圃董園桂巖諸賢并智仙師次韻以吊之  
緇塵旋復化黃塵。地下郎辭洛下親。紅粉青山應減色。  
風流佳伴欠斯人。

不信西山魄沒苔。游魂是鶴訝東回。才仙應被虛皇惜。



也司文昌宿上台

暑夜

灌罷園林夜趣長。古松陰裏一虛堂。茶爐殘火猶嫌熱。點向籠燈影下涼。

小杜停車圖

想見山行悔水嬉。勝花紅葉映車時。早知春色讓秋色。不恨尋芳當日遲。

小春同枕夫子過飛鳥山書感

薄日烘雲午欲曛。半山紅葉落三分。忽牽暮鳥殘花恨。四五年前此送君。  
曾送枕夫子北游於此

癸亥十二月某日中雲濤老人小祥忌辰日與

枕山夫子昆溪雪江鶴汀諸先及智仙師次韻

其病中二絕

市隱高於任翠微。北山何復壑爭譏。扁醫王隸杜詩學。博似斯人儔亦非。

醉死道人魂可回。舊朋一酌一樽開。細君空悔攝生過。豈識劉伶身再來。

小園雪霽

春聲樓席上同枕夫子磐溪翁并諸子賦

園林半樹暗香微。霽景催人窻掩扉。僵臥懶夫收起未。門前翻幸故人歸。



題利休像

茶事大成心亦勞。千家名壓萬官曹。若教紫野採薇食。  
像在青山虛閣高。好事于今競瀾茶。清風傳得古千家。忍看夜落如春夢。  
瓶撒金錢一朶花。

題雪山像

書訣親傳妙奈何。爭同摸帖捉妖魔。知他獨立輪三立。  
手拔衡山筆力多。舉扇何唯蔽瘦塵。鮮衣重浣恐汗身。幕天沐雨東山宴。  
醉戲名花換妓人。

秋夕聞蟬有感

小點相誇多少螿。盡遭雀捕亦堪傷。大癡蟬子獨何辜。  
猶向秋風吟夕陽。



Blank manuscript page with vertical lines.

釋金洞上人

一頭名智仙字大愚佐州人天保庚寅生著有鶯里集  
錢譜三卷

春日教藏院呈井公

救群又上講玄堂奪得當年鶯子才滿院落花師未起  
春風吹夢到天台

銷夏雜詠十首 節三

昨日得財今散財看他暴富等浮埃我逢煩暑消諸念  
不羨凌歌舊宋臺

緩緩尋詩步野塘忽看雲影醫斜陽蟻虫比我知機早



未雨槐陰斂陣忙。  
竹窓月墜露痕斑。仰臥乘涼夢未還。獨有牽牛如侍女。  
不教吾起看妝顏。

題雪山像

灑落襟懷絕俗埃。入城何事屢銜杯。誰知酒簿揮毫手。  
驚動唐山宿老來。

曉鶯

趁晴巧轉出花陰。繡羽從教香露侵。士女貪眠情太薄。  
一庭殘月是知音。

少陵醉歸圖

憂那又到夕陰時。弟武兄文逐步隨。且對江花沽一醉。  
此心未許兩兒知。

喜通公至

舊友相尋到小村。喜聞剝啄起開門。滿胸往事還難說。  
始信無言勝有言。

籠鶯

金衣未得訂同盟。空向雕籠寄此生。恨殺朱門輕薄子。  
只憐巧語不憐情。

雪水煎茶

嘗茶仍好祝年豐。一掬先投小鼎中。耳目真成饒快樂。



楊花看盡聽松風

梅花

無限春愁日欲斜。弄芳且傍小籬笆。素貧未必日人熱。獨愛荒園冷處花。

范蠡泛湖圖

載得紅粧一舸斜。五湖春色好生涯。越中仍有傾城懼。不使君王見艷華。

賀日井上人移任教藏院

卅歲辛勤已奏功。講鐘聲起曉堂風。緇徒攢簇聽玄處。喚做生師唯此公。

薇紫

裝飾名園爛熳稠。千枝丹彩映高樓。碧花憔悴紅芙謝。百日渠能恣九秋。

梅花塢坐月

朦朧烟月可憐宵。小塢無人香露饒。又被玉妃相惱徹。四更猶弄一枝簫。

春雨偶述

紅燈影冷雨冥冥。濕匝檐牙響未停。明曉文情誰最熱。當門垂柳眼先青。

春日游某園



玉砌風暄履跡稀。隔簾春漏報斜暉。櫻花素接桃花絳。  
誤認宮人簇錦衣。

雨後行圃

獨對推敲句未工。疎慵強過石缸東。荒畦經雨稀人跡。  
開徧無名草幾叢。

夏夜口占

九夏唯應傍水亭。滿階芳草雨餘青。東窓無月微涼夜。  
臥聽蛙聲起見螢。

到王子祠途中作

都城咫尺異風光。夏木陰陰引興長。小圃無塵新雨霽。

一邊紅日採茶娘。

平薩州宿花下圖

六合無家避虜塵。暗尋閒處賞芳春。花心若會題歌好。  
也合呼君做主人。

湖樓雨坐

水曳愁烟晚色殘。點燈懶復倚欄干。長洲落雁迴塘雨。  
併作湖樓一夜寒。

偷兒奪佛具去

富貴無期野趣長。青氈依舊伴淒涼。偷兒知了吾貧甚。  
不到書齋到佛堂。



春半得句

晚梅零落野僧家。索莫吟懷感物華。暖雨一窓人未起。  
夢魂先到早櫻花。

春日偶成

碧桃文杏競春菲。好句難成到晚暉。隔著疎簾偷眼見。  
何來獨鳥蹴花飛。

過小西湖

行人影瘦夕陽斜。零碎秋光近水家。風物誰憐新換舊。  
荷收枯葉菊開花。

叩盡山鐘客未回。驚禽戛戛水烟開。西湖最好初三夕。

天女祠前月姊來。

根岸夏夜

小渠一道淨無塵。陣陣涼風入夜新。下覺奇香來撲鼻。  
洗葱人接洗薑人。

獨坐觀老奴灌園

老奴灌水趁斜暉。忽地驚禽奮翅飛。忽覺滿園松竹活。  
一齊涼色襲人衣。

中秋無月同枕山。昆溪兩先生泛舟墨水遂飲  
大七樓

岸邊風過木華香。暗水無聲響更長。醉後垂簾閒弄筆。







